



1. Ի՛նչ գեղեցիկ է մեր
Հայաստանը,
Որքան ուրախ ենք մենք,
Քրիստոսի սերը, հավատքն ու
հույսը
Առատ լցնում են մեզ:

2. Ի՛նչ կենարար են ջերմ
քարոզները՝
Իմաստություն հագած,
Ի՛նչ սքանչելի են վառ
աղոթքները՝
Հոգու կրակով լցված:

3. Ի՛նչ հաճելի են սուրբ
սաղմոսները՝
Սրտի խորքից բխած,
Ի՛նչ հրաշալի է այցելությունը՝
Աստծո Հոգուց իջած:

4. Ի՛նչո՞ւ ես տխուր, ի՛նչո՞ւ ես
տրտմած,
Քաղցր հոգով հայ ազգ,
Տերը կանչում է, քեզ շատ սիրում
է,
Շտապիր դառնալ Նրան:

5. Քո սուրբ պապերը Քրիստոսի
սերը
Քեզ որպես հիմք դրին,
Կրեցին տանջանքը, զոհեցին
կյանքը,

Քեզ փրկության հասցրին:

6. Վեհ Արարատը, Նոյի տապանը
Տերը քեզ նվիրեց,
Առաքյալներին իր սուրբ
ձեռքերով
Քեզ առաջնորդ կարգեց:

7. Քո հանցանքները, ծանր
մեղքերը
Նա խաչի վրա գամեց,
Թափեց արյունը, կրեց ցավերդ,
Որ զորությամբ աճես:

8. Լուսավայլ Քրիստո՛ս, Դու ես
մեր կյանքը,
Միակ հույսն ես հայոց,
Լսիր հայ ազգիս, տառապած
ազգիս
Ներիր, սրբիր, փրկիր: